



CONVENIO DE COLABORACIÓN ENTRE A EXCMA. DEPUTACIÓN PROVINCIAL DE PONTEVEDRA E O EXCMO. CONCELLO DE VIGO PARA O ACONDICIONAMENTO DOS ESPAZOS DA NOVA AULA DA UNIVERSIDADE NACIONAL DE EDUCACIÓN A DISTANCIA, NO EDIFICIO DO AUDITORIO-PAZO DE CONGRESOS, NA AVDA DE BEIRAMAR EN VIGO.

En Vigo, 9 de maio de 2016

REUNIDOS

Dunha parte, Don Abel Caballero Álvarez, Alcalde-Presidente do Concello de Vigo, na representación legal desta Administración municipal, que lle atribúe o artigo 124.4.a) do mesmo texto legal.

Doutra, Dona María del Carmen Silva Rego, Presidenta da Deputación Provincial de Pontevedra, na representación legal que da mesma lle atribúe o artigo 34.1.b) da Lei 7/1985, de 2 de abril, Reguladora das Bases de Réxime Local.

Recoñécense mutuamente os comparecentes a capacidade e a representación necesaria para a sinatura do presente convenio de colaboración, e a estes efectos

EXPOÑEN

I.- Que, con data 8 de novembro de 2012, o Concello de Vigo e o Padroado do Centro Asociado da UNED en Pontevedra conviron a creación dunha Aula do dito Centro na cidade de Vigo que titorizaría as ensinanzas do curso de acceso directo a universidade para maiores de vintecinco anos e a organizaría actividades non regradas para alumnos da cidade e a súa zona de influencia; convenio en virtude do cal o Concello de Vigo, entroutras obrigas, asumiu a de proporcionar gratuitamente ao dito Centro Asociado da UNED o local ou locais necesarios, e perfectamente acondicionados, para o desenvolvemento das actividades educativas da Aula da UNED en Vigo.

II.- Que a promoción na Aula da UNED en Vigo de actividades non regradas incluídas nos programas da UNED de Extensión Universitaria e Cultural, UNED Senior, Cursos de Verán e Cursos do Centro Universitario de Idiomas a Distancia e a implantación progresiva na mesma Aula da titorización dos novos grados de Dereito, Educación Social, Enxeñería Informática, Enxeñería en Tecnoloxías da Información, Turismo, Estudos Ingleses, Administración e Dirección de Empresas, Ciencias Ambientais, Psicoloxía, Ciencia Política e da Administración, Pedagogía, Xeografía e Historia e Historia da arte, autorizados pola Xunta Reitora do Centro Asociado da UNED de Pontevedra nos últimos tres anos, viñeron a determinar a insuficiencia nun curto prazo dos espazos docentes do actual emprazamento da Aula, na rúa San Vicente



núm. 3, e necesidade para o Concello de Vigo de dispoñer dun local capaz de satisfacer as necesidades espaciais da nova Aula UNED e a súa sala de estudo, aberta a todo estudiantado da cidade, para a impartición de tódalas ensinanzas ata agora autorizadas.

III.- Que ao indicado fin, a Xunta de Goberno Local do Concello de Vigo, con data 10 de decembro de 2015, autorizou o aluguer das tres plantas da zona complementaria, previstas inicialmente para oficinas, e seis prazas de aparcadoiro, na obra pública, "Auditorio-Pazo de Congressos Mar de Vigo", para o emprazamento da nova sede da Aula UNED en Vigo e a súa sala de estudo; contrato que foi asinado o día 15 seguinte.

IV.- Que o efectivo destino das superficies alugadas ás actividades docentes, propias da UNED e da súa sala de estudo, requiren o acondicionamento das mesmas para a creación das aulas, salas, despachos e dependencias necesarias, así como a dotación destas cos elementos, útiles de traballo e mobiliario adecuados á actividade a desenvolver.

V.- Que os servizos técnicos municipais estiman nun máximo de 600.000 euros o custe da execución das obras de acondicionamento das superficies alugadas para a Aula, incluídos os custes de redacción do proxecto de obras, e nun máximo de 200.000 euros os custes da dotación da Aula cos elementos, útiles e mobiliario necesarios.

VI.- Que, no exercicio das súas respectivas competencias, a Deputación Provincial de Pontevedra e o Concello de Vigo, con data 20 de novembro de 2015, asinaron un protocolo de colaboración en orde a afondar na colaboración administrativa entre ambas institucións e, especialmente, para a cooperación na planificación e execución dos proxectos e actuacións que no propio convenio se sinalan; actuacións e proxectos entre os que se inclúen, no que ao presente convenio importa, os de promoción da cultura e apoio as iniciativas de cualificación educativa.

VII.- Que no devandito protocolo de colaboración se convén que as distintas actuacións nel previstas se desenvolverán a través de convenios específicos, cuxa execución administrativa, técnica e contractual corresponderá ao Concello de Vigo, que deberá observar os procedementos de avaliación e seguemento da execución dos convenios a establecer nestos.

VIII.- Que, de acordo coas precedentes consideracións e en desenvolvemento do protocolo de colaboración arriba referido, que contempla como un dos seus obxectivos estratéxicos o apoio ás iniciativas de cualificación educativa, como é a Aula en Vigo do Centro Asociado da UNED de Pontevedra, a Xunta de Goberno Local do Concello de Vigo e a Deputación Provincial de Pontevedra, a vista da importancia que para a cidade de Vigo e a súa zona de influencia ten esta infraestrutura de cualificación educativa, acordaron aprobar o presente convenio de colaboración, que asinan agora os aquí comparecentes, con arranxo aos seguintes



correspondente. A cantidade correspondente a cada certificación de obra será reembolsada ao Concello de Vigo pola Administración provincial.

5º.- O Concello de Vigo comunicará á Deputación Provincial a data e hora en que terá lugar, ao remate das obras, o acto de recepción destas, ao que asistirá, de consideralo procedente a Corporación provincial, un representante ou facultativo desta. A Administración municipal remitirá á provincial copia da acta do dito acto de recepción e certificación das resolucións da Xunta de Goberno Local aprobatorias da recepción das obras executadas e da certificación final das mesmas. Se desta ultima certificación final de obras resultare cantidade a pagar ao contratista, a Deputación provincial deberá reembolsar a dita cantidade ao Concello de Vigo.

6º.- Formalizado que sexan o contrato ou contratos de servizos para a contratación de asistencia técnica á dirección da obra, remitirase copia dos mesmos á Deputación Provincial así como dos abonos a conta que en execución dos mesmos se poidan producir que deberán ser reembolsados a Administración municipal.

7º.- O contrato ou contratos de subministracións que o Concello de Vigo conclúa para a dotación da Aula cos elementos, útiles e mobiliario adecuados á actividade a desenvolver serán

igualmente comunicados á Deputación Provincial, mediante traslado de certificación dos mesmos. Comunicarase tamén a Administración provincial o lugar data e hora sinalados para o acto de recepción das ditas subministracións, ao que asistirá, de consideralo procedente a Corporación provincial, un representante desta. A Administración municipal remitirá á Deputación Provincial copia da acta do dito acto de recepción, da certificación da resolución da Xunta de Goberno Local aprobatoria da mesma e da cantidade satisfeita como prezo do contrato; cantidade que será reembolsada pola Corporación provincial, ata a cantidade máxima de douscentos mil euros.

8º.- A Deputación Provincial poderá inspeccionar a execución das obras obxecto do presente convenio e as actuacións de dotación da Aula cando o teña por convinte, así como formular as observacións que estime pertinentes, sen prexuízo de que corresponda en exclusiva ao órgano de contratación e aos responsables dos respectivos contratos a emisión das ordes e instrucións que procedan

Cuarto: Publicidade.

En toda a documentación e informacións relativas ás actuacións de acondicionamento e dotación da nova sede da Aula UNED en Vigo se incluírá a imaxe corporativa que a este fin facilite a Deputación Provincial de Pontevedra e nelas figurará, tamén, de maneira destacada o financiamento das ditas actuacións pola Deputación Provincial. O cartel de obra esixido pola normativa municipal urbanística será substituído por un panel informativo no que, ademais dos



datos esixidos pola dita normativa urbanística municipal, figurará a imaxe corporativa da Deputación Provincial de Pontevedra e o financiamento da Administración provincial das actuacións de acondicionamento e dotación da Aula.

Quinto: Comisión de Seguimento.

Para o seguimento e coordinación da execución deste convenio e resolución das dúbidas que poidan producirse na súa interpretación crearase unha comisión integrada por tres representantes de cada unha das Administracións asinantes, un dos cales terá carácter técnico.

Corresponderá á Comisión de Seguimento:

- A puntual recepción de información sobre tódalas as actuacións que se produzan na execución dos contratos a que este convenio se refire
- A coordinación entre as administracións asinantes na execución e financiamento do convenio, ditando ao efecto as instrucións oportunas
- A resolución das dúbidas que presente a interpretación do convenio e, no seu caso, a emisión de informe se a dúbida ten de ser resolta polos órganos de goberno das administracións asinantes.
- A emisión informe en relación coa necesidade do reaxuste da anualidade do convenio e en relación con cantas incidencias se produzan na execución dos contratos a que este se refire.
- A formulación das propostas que procedan en relación ás cuestións a que os seus informes se refiran.

A Comisión de Seguimento reunirse cando o estime convinte o seu responsable, por decisión propia ou a petición de calquera dos seus membros, e en todo caso unha vez ao mes. As súas reunións terán lugar na Casa do Concello de Vigo. Na súa reunión constituínte da Comisión de Seguimento designarase ao responsable da mesma e ao seu secretario que levantará acta das súas reunións.

Sexto: Vixencia.

O presente convenio producirá os seus efectos desde a data da súa sinatura ata o total execución dos contratos a que o mesmo se refire, sen que en ningún caso o seu prazo de vixencia poida superar os catro anos, contados desde a súa sinatura.

Sétimo: Extinción do convenio

O convenio extinguirase polo cumprimento das actuacións que constituén o seu obxecto ou por incurrir en causa de resolución.

Serán causas de resolución:



- 1º.- O transcurso do prazo máximo de vixencia do convenio.
- 2º.- O acordo unánime dos asinantes.
- 3º.- O incumprimento das obrigas e compromisos asumidos por parte dalgún dos asinantes.

Neste caso, notificarase á parte incumpridora un requirimento para que, no prazo que se sinala, cumpra coas obrigacións ou compromisos que se consideran incumpridos. Este requirimento será comunicado tamén ao responsable da Comisión de Seguemento.

Se transcorrido o prazo indicado no requirimento persistira o incumprimento, a parte que o dirixiu notificará á outra parte a concorrencia de causa de resolución e entenderase resolto o convenio. A resolución do convenio por esta causa poderá dar lugar a indemnización dos prexuízos causados.

- 4º.- Por decisión xudicial declaratoria da nulidade do convenio.
- 5º.- Por calquera outra causa distinta das anteriores prevista no convenio ou noutras leis.

Oitavo: Réxime xurídico.

O presente convenio ten natureza administrativa e rexerese pola Lei 38/2003 do 17 de novembro, xeral de subvencións e o RD 887/2006, de 21 de xuño, polo que se aprobou o seu regulamento, nos seus preceptos básicos; a lexislación básica do Estado en materia de réxime local; a Lei 9/2007, de 13 de xuño, de subvencións de Galicia; os preceptos non básicos da Lei 38/2003 e do RD 887/2006; polos pactos que se conteñen neste convenio; as Bases de Execución dos orzamentos das Administracións asinantes e as restantes normas de dereito administrativo, e no seu defecto, as normas de dereito privado.

A Presidenta da Deputación de Pontevedra

O Alcalde-Presidente do Concello de Vigo

Asdo.: M^a Carmen Silva Rego

Asdo.: Abel Caballero Álvarez

O Secretario do Deputación de Pontevedra,

A Secretaria do Concello de Vigo

Asdo.: Carlos Cuadrado Romay

Asdo.: M^a Concepción Campos Acuña

